

iki ko Keliumiumi manao ana, a hoopili ana no hoi i ka la hanau o ka Moi ma ke ana o ka hoolike ana o na la ma ka helu haole a me ko Hawaii nei.

Ina aole loa ia oe, i ka poe pono ke loa mai e pono ai au ke hana. No ka mea, he mea nui keia ke haohao nei ko'u manao. Ua manao au he pono ka 17 o Maraki, a he pono paha ka 11 o Augate e like me ka Keliumiumi lohe ana ia Keaweamahi. Me ke aloha.

G. L. KAPEAU.

*Honolulu, Novemba 1847.*

*He kanikau aloha ia Waialua.*

*Kuailoa, Waialua, Oahu, Sep. 11, 1847*

Aloha oe e Waialua,  
Ka ahihi i pala i kuaa noe,  
O ka naauao kau mea i ike,  
O ka wehewehe kau mea i hana,  
I keia manawa ua make oe,  
I ka mai hoomaloka,  
O baka oia wale no,  
Kou mea i make ai,  
He aloha ia Waialua,  
Ke awapuhi o Oahu,  
Ke kihapai maikai,  
Kaua noe o lili koi,  
Ka lei hala o Kahuku pala,  
E Waialua e; aloha oe,  
Na hoa aloha o Lahainaluna,  
Ka hoa kuka o Honolulu,  
I keia wa e ua kupu mai oe,  
Ua pulu i kuaa noe.  
Aloha oe e Waialua,  
Ka hoa paio o na makani elua,  
O Kona a me Nihi,  
Na laua e hooluli, a loa o kuaa noe,  
Na kuaa noe e kucha,  
A loa o kuaa haliipili.  
E Waialua e; aloha oe,  
Ka puni hoomaha o na Malihini,  
Na kaukana o ke aloha oe,  
Auhea oe; e na hoa luh i W,  
O Waialua i Oahu,  
Kaukana a ke aloha.  
E na hoa luh i e,  
E imi mai oukou i ka mea e pau ai,  
Keia wahi mai o baka,  
Ua pau ko'u e na hoaluh.

Na M. K. KEALOHA.

NA KE AUPUNI.

Olelo pili i o ia nei o ke Kanawai i nohonoho oihana Lunakanawai no Hawaii pae Aina.

OLELO PILI I O IA NEI.

PAUKU 1. E kau no keia Kanawai a e lilo i Kanawai paa loa keia Aupuni, ke hala na la he mai ka la aku o ke pai ana malo o ka Nupepa Polunesia, a me kehi Nupepa e ae a ke Kuhina Kalaiaina e olelo ai. Ma na poo nae pai ai. Mai ka la aku o ia pai au ua noa ka Mokuna 46 o na Kanawai kauia ma Lahaina i ka la 5 o M 1842, a ua komo hoi keia Kanawai ma kona hakahaka, a o keia wale no ke Kanawai no ka hookoloke ma keia Aupuni, a o na palapala hookohu i na Lunakanawai i kakaia mamua, e noa no ia la, aole na palapala hookohu i na Lunakanawai kiekie.

PAUKU 2. Mahope o ke kau a o keia Kanawai, o na hoopii a pae me na mea puka, a me na hana no ka waiwai paha no ka hewa paha ma ke Kanawai, ma ke kupon a o na palapala hoopii e waiho wale ana, aole i hoopukaia ma na Ahahookolokolo i keia manawa e noi i keia Aupuni, e lilo no ia mau hana i na Ahahookolokolo e hoonohonohoia ana e keia Kanawai.

PAUKU 3. He mea pono i ke Kuhina Kalaiaina e pai i keia Kanawai i ka olelo Hawaii a i ka olelo English, a e hoouna aku i poe kope keia Kanawai i Maui i mea kuai akahi kanaka, a pela no i Hawaii a na Kauai, a e like ke kuai ana me ka Moi e olelo ai iloko o ka Ahakukakuka malu; a o ke dala o ke kuaana, no ka waihona dala ia o ke Aupuni. E haawi no hoi oia pakahi n